

# Bibël për fëmijët paraqet



## Mbreti i Pashëm Budalla



Shkruar nga: Edward Hughes  
Ilustruar nga: Janie Forest; Alastair Paterson  
Adaptuar nga: Lyn Doerksen  
Përkthyer nga: Arianit & Valbona Iljazi  
Prodhuar nga: Bible for Children  
[www.M1914.org](http://www.M1914.org)

BFC  
PO Box 3  
Winnipeg, MB R3C 2G1  
Canada

©2021 Bible for Children, Inc.

E drejta e kopjimit: Mund të bëni kopje ose ta shtypni këtë histori,  
nëse nuk do ta shitni.

1

Samueli, gjyqtari dhe udhëheqësi i Izraelit ishte plakur. Ai i bëri bijtë e tij gjyqtarë të Izraelit, për ta zëvendësuar në shërbimin ndaj Perëndisë. Ata ishin të dhënë pas parave dhe përdornin fuqinë e tyre për tu pasuruar në mënyrë të pandershme.



2

Njerëzit e Izraelit vuanin për shkak të ligësisë së këtyre bijve. Gjykatat ishin të padrejta. Njerëzit duhej të paguanin bijtë e Samuelit, çdo herë që ata kishin nevojë për ndihmë.




3

Diçka duhej bërë. Një ditë, pleqtë e Izraelit u mblodhën së bashku dhe kërkuan ndihmën e Samuelit.



4

"Na jep një mbret që të na gjykojë", kërkuan pleqësia. Ata nuk deshën që bijtë e ligj të Samuelit ti gjykonin ata. Ata deshën një mbret ashtu si të gjithë kombet e tjera rreth tyre.




5

Samueli u zemërua. Izraeli, e kishte ndërkohë një mbret. Perëndia i Gjithëpushtetshmi, i Përjetshmi, ishte Mbreti i Izraelit.

6

Shumë kohë më parë, Ai I kishte çliruar ata nga skllavëria, duke hapur Detin e Kuq për ti nxjerrë jashtë nga Egjipti. Pas kësaj, Perëndia u dha Izraelitëve vendin e tyre të bukur.




7

Kur Samueli u lut, Perëndia tha, "Ata nuk të kanë përçmuar ty, por më kanë përçmuar mua, që të mos mbretëroj mbi ta. Ata u kanë shërbyer perëndive të rremë. Dëgjoje zërin e tyre dhe jepu atyre një mbret".



8



Perëndia i tha Samuelit që ti paralajmërojë njerëzit se mbreti i tyre tokësor do tu merrte paratë nëpërmjet taksave; do ti përdorte për vete tokat dhe vreshtat e tyre më të mira; do ti merrte bijtë e tyre në ushtritë e tij; dhe vajzat e tyre që të punonin për të.

9



Por, njerëzit donin një mbret me çdo kusht.

10



Perëndia e drejtoi Samuelin tek një djalë i ri që ishte shumë i pashëm, shumë i turpshëm, dhe shumë i GJATË - një kokë më i gjatë se kushdo tjetër. Emri i tij ishte Saul. Kur Samueli pa Saulin, Perëndia tha, "Ky do të mbreterojë mbi popullin Tim".

11



I bindur, Samueli e vajosi Saulin si mbret të Izraelit. Kur ai ia paraqiti Saulin njerëzve të Izraelit, ata thirrën, "Rroftë mbreti, rroftë mbreti".

12



Shpejt mbreti Saul u vu në provë. Amonitët, të cilët e urrenin Izraelin, rrethuan një qytet Izraelit dhe kërcënuan ti nxirrnin çdo burri syrin e djathtë. Çfarë plani mizor! Lajmi kërcënues erdhi tek mbreti

Saul.  
Ai bëri gati ushtrinë e tij.

13



Kur të dy ushtritë u ndeshën, Sauli i shkatërroi Amonitët dhe e çliroi qytetin. Mbreti Saul i dha Perëndisë lavdinë, duke thënë "... sot Perëndia ka sjellë shpëtim në Izrael!"

14


Perëndia i dha Saulit një fitore të madhe atë ditë. Por, Sauli nuk e nderoi gjithmonë Perëndinë. Një ditë, përpara se të luftonte me Filistenjtë, Sauli i ofroi një sakrificë Perëndisë. Ai e dinte që kjo

punë ishte e paracaktuar për Samuelin. Sauli e dinte se Perëndia dëshironte që ai të priste gjersa Samueli të vinte për të ofruar sakrificën. Por Sauli nuk iu bind Perëndisë.



15

Kur Samueli mbërriti, ai i tha Saulit, "Ti ke vepruar si budalla. Ti nuk e respektove urdhërimin e ZOTIT, Perëndisë tënd. Tani, mbretëria jote nuk ka për të vazhduar".




16

Sauli mund të kishte menduar se ishte një mëkat i vogël. Por, mosbindja ndaj Perëndisë është gjithmonë shumë e rëndë.




17

Një herë tjetër, Perëndia urdhëroi Saulin të shkatërrojë njerëzit e ligj të Amalekut; por, Sauli dhe populli i Izraelit e lanë të gjallë Agagun, mbretin e Amalekut.



18

Ata mbajtën gjithashtu për veten e tyre sende me vlerë, dele dhe qe. Sauli tha se këto i kishin mbajtur, për t'ia sakrifikuar Perëndisë.



19

Samueli i tha Saulit, "Të bindesh është më mirë sesa sakrificat. Ti, ke hedhur poshtë Fjalën e Perëndisë dhe Perëndia të ka hedhur poshtë ty, për të mos qenë më mbreti i Izraelit". Saulit i erdhi shumë keq për mëkatin e tij. Por ishte shumë vonë. Pjesa tjetër e jetës së tij ishte shumë e trishtueshme, sepse ai nuk i ishte bindur Perëndisë.



20

## Mbreti i Pashëm Budalla


Një tregim nga Fjala e Perëndisë, Bibla

e marrë nga

1 Samuelit 8-16

"Zbulimi i fjalëve të tua ndriçon dhe u jep mendje njerëzve të thjeshtë."  
Psalmet 119:130

21



18



60

22

Ky tregim nga Bibla na tregon për Perëndinë tonë të mrekullueshëm i cili na krijoi dhe dëshiron që ne ta njohim Atë.

Perëndia e di që ne kemi bërë gjëra të këqija, të cilat Ai i quan mëkate. Dënimi për mëkatin është vdekja, por Perëndia ju do juve aq shumë sa që dërgoi Birin e Tij të vetëm, Jezusin, që të vdesë në Kryq dhe të dënohet për mëkatet tuaja. Pastaj Jezusi u ringjall dhe u ngrit lart në Qiell! Nëse beson në Jezusin dhe i kërkon Atij të t'i falë mëkatet e tua, Ai do ta bëjë atë! Ai do të vijë dhe do të jetojë në ty, dhe ti do të jetosh me Të përgjithmonë.

Nëse ti beson se kjo është e vërteta, drejtoju Perëndisë kështu: Jezus i dashur, unë besoj se Ti je Perëndia i bërë njeri për të vdekur për mëkatet e mia, dhe që Ti u ngjalle sërish. Të lutem, eja në jetën time dhe fali mëkatet e mia, në mënyrë që unë të kem jetë të re dhe një ditë të jem me Ty, përgjithmonë. Më ndihmo, të të bindem dhe jetoj për Ty, si fëmija Yt. Amen.

Lexo Biblën dhe bisedo me Perëndinë çdo ditë! Gjoni 3:16

23